

勅封天后志卷下

裔姪孫清標敬輯

圖說弁言

天后事蹟。非圖說若干足以盡之。第就舊本所載。昇天以後事實。非關為國為民者。不錄。有附會其事而非真者。不錄。有鄉里傳言鑿鑿而無從核實者。不錄。故所錄者少。而不錄者多。編為圖說。倣古圖書法也。採輯中如收伏等事。近於荒誕。

似不必錄。然康熙二十二年平定臺灣時。神將
與有功焉。事經陳奏。則無可疑。故自誕降。以及
昇天。自宋代以及

國朝。靈應而有可考者。繪為圖而詳其說。間有事屬
相類。繪一圖而臚為說。則畫工不虞重複。而披
閱者亦自了然矣。後有續斯志者。須有徵而後
輯之。庶不失為信書也。若以傳聞無稽之說。炫
奇誇異。殊非 天后意也。清標謹識。



后父惟慤。

名一云愿

為宋都巡官。娶王氏。二人多積

德。已生一男五女。每念一子單弱。常當空祈再

賜佳兒。王氏夢大士告之曰。爾家行善。今賜女

一丸。服之。當得慈濟之貺。遂娠。太祖建隆元年

庚申三月二十三日。王氏腹震。有一道紅光入


室。香氣氤氲。觀者如堵。及生。父母大失所望。時

港四圍之山崩摧。乃靈氣所鍾也。至滿月。不聞

啼聲。因名曰默。



后十六歲時。與群女閒遊。照粧于井中。忽見神人捧銅符一雙。擁井而上。有仙官一班迎護狀。諸女駭奔。后受之不疑。少頃。乘虛而化。莫不驚異常。身在室中。神遊方外。談吉凶禍福。靡不奇中。




秋九月。父與兄渡海北上。時西風正急。江上狂濤震起。后方織。忽于機上閉睫。顏色頓變。手持梭。足踏機軸。狀若有所挾。而惟恐失者。毋怪急呼之醒。而梭墜。泣曰。阿父無恙。兄沒矣。頃而報至。果然。彼時父於怒濤中。倉皇失措。幾溺者屢。隱似有住其舵。與其兄舟相近。無何其兄之舵。推舟覆。蓋后當閉睫時。足踏者父之舟。手持者兄舵也。



后因兄溺水。同母嫂渡海尋屍。望見水族輳集。擁
一尊官。鞠躬于前。水洶湧。舟中人皆戰慄。后曰。
不須憂。喧言免迎。突然水色澄清。兄屍已浮水
面。始知水神護屍而然也。此後凡遇 天后誕
晨。半夜即有大魚成群環列於湄嶼之前。若拜
舞狀。黎明始散。他日無之。詢於海邊之人。咸云
至今猶然。是日漁者不敢施罟下網。

功寸天言志


天下救商



與之西。有鄉曰門夾。當港口出入之衝。砣礁錯雜。有商舟渡此。遭風。舟衝礁。侵水。舟人號哀求救。后謂人曰。砣頭商舟將溺。可急拯。衆見風濤震盪。不敢向前。后乃擲草數根。化成大杉。排駕至前。舟因大木相附。得不沉。少頃風平浪息。舟中人相慶。皆以為天助。及到岸。整理舟楫。條見大木飄流。不知方所。詢鄉人。方知化木附舟。悉神姑再造力。



湄洲有小巖在旁流中。一日后遊至其地。適得菜子。聊撒於地上。遂抽芽解甲。粲然青黃布滿山塹。不煩播種。四時不絕。自生自熟。於荒煙斷沁之間。莖葉花葉。可以薦神供佛。名曰菜子。嶼鄉人采之。爲仙葩神卉。至今猶野香郁郁。斥鹵之外。洵爲勝概。



后年二十一歲時。莆大旱。山焦川涸。農民告困。通郡父老咸曰。非神姑莫解此厄。縣尹詣后求禱。后因祈焉。云壬子申刻當雨。及期日巳午。烈燄麗空。片雲不翳。尹曰。姑殆不足稱神乎。未幾陰霾四起。甘澍飄灑。平地水深三尺。西成反獲。有秋。衆社賽日。咸懽呼頂禮。稱神姑功德。

